



Hordaland fylkeskommune -
samferdselsavdelinga

Postboks 7900

5020 BERGEN

Dykkar ref.	Vår ref.	J.post id.	Arkiv	Dato
	13/1238-2	13/11812	N-567/	20.12.2013

Høyringsuttale, Ullensvang herad - Handlingsplan for trafikksikring i Hordaland 2014 - 2017

Viser til brev motteke 12. november 2013 med orientering om Samferdselsutvalet i Hordaland fylkeskommune sitt vedtak i møte den 23. oktober, der *Handlingsplan for trafikksikring i Hordaland 2014-2017* er lagt ut på høyring. Høyringsfristen er sett til 20. desember 2013. Dersom heradet sin uttale skulle vore handsama politisk som eiga sak, ville det vert føremålsteneleg at høyringsperioden var noko lenger.

Om handlingsplanen for trafikksikring

Hovudføremålet med planen er å definere kva som er dei viktigaste måla for trafikksikringsarbeidet i Hordaland, samt å prioritere særskilte satsingsområde og konkrete tiltak for å oppnå mål om reduksjon i drepne og hardt skadde i åra frametter. Dette er i samsvar med nullvisjonen som skal vere det førande for trafikksikringsarbeidet på nasjonalt, regionalt og lokalt nivå. Handlingsplanen har tre særskilte satsingsområde:

- Trafikksikringsarbeid i kommunane
- Møteulukker i tettbygde strok
- Mjuka trafikantar i byområde

Heradet registrerer at:

- Fylkestrafikksikringsrådet (FTR) no er erstatta av eit Fylkestrafikksikringsutval (FTU), samansett av fem politisk valde representantar og konsultative administrative representantar frå aktuelle fagetatar.
- *Fysiske tiltak* på vegnettet er styrt gjennom dei økonomiske rammene sett gjennom *RTP for Hordaland med tilhøyrande Handlingsprogram 2013-2017* for fylkesvegnettet i Hordaland.
- *Trafikantretta tiltak* legg til grunn ei vidareføring av dei økonomiske rammene til arbeidet i regi av FTU, med ei totalramme for perioden på 16 mill kroner. Rammene for finansiering vil verte presentert i den endelege handlingsplanen.
- I tillegg til dei prioriteringar som vert gjort i planen gjennomfører dei konsultative medlemene i FTU ei rekkje trafikksikringstiltak i eigen regi og i samarbeid gjennom FTU. Desse tiltaka er som hovudregel ikkje teke med i tiltaksplanen.

Tiltak mest relevant for Ullensvang herad, totalt for perioden:

1. **Lokale arrangement for trafikkopplæring og informasjon:**
 - 3,2 mill kroner, reduksjon på 0,8 mill kroner.
2. **Uarbeiding av kommunale trafikksikringsplanar:**
 - 2,0 mill kroner, vidareført utan endring.
3. **Tilskot til mindre fysiske tiltak i kommunane:**
 - 4,0 mill kroner, ny.
4. **Sertifisering av "trafikksikker kommune":**
 - 1,0 mill kroner, ny.
5. **Årleg Trafikksikringskonferanse:**
 - 0,25 mill kroner, vidareført.
6. **Årleg Trafikksikringspris:**
 - 0,1 mill kroner, ny.
7. **Tilskot til trafikkopplæring i barnehagar og skular:**
 - 0,35 mill kroner, reduksjon på 0,45 mill kroner.
8. **Tilskot til andre regionale satsingsområde og kampanjar.**

Arbeidet med trafikksikring går kontinuerlig og femner om mange ansvarsområde i heradet. Me registrerer at 5 politisk valdre representantar no skal vere del av dette arbeidet, og at til dømes 4 millionar kroner til fysiske tiltak skal delast ut til søkande kommunar. Dette er eit sentralt nytt element i handlingsplanen, men bakgrunnen for dette er ikkje gjort tydeleg.

Handlingsplanen er aktuell for heradet og gjer det mogleg for oss å arbeide for ein tryggjare trafikksituasjon i vår del av Hordaland. Indre Hordaland ser store endringar i infrastrukturen som følgje av nye veganlegg. Likevel er større parti av vegnettet mindre trafikksikkert, og overgangen frå nye og gode veganlegg til eldre og mindre gode veganlegg vil truleg føra med seg eit auka behov for trafikksikrande tiltak framover.

Me ser fram til eit godt samarbeid framover, og vonar trafikksikringsmidlane kjem til nytte i alle delar av fylket.

Med helsing
Ullensvang herad


Solfred Borge
Ordførar


Hedvig Øren
Rådmann

Sakshandsamar sin tlf: 53671516
Sakshandsamar si e-postadr.: kent.hakull@ullensvang.herad.no

Kopi til arkiv og kopibok